

# عائشة الشاطر لقضاة محاكمة والدها : "مش مكسوفين من اللي قاعدين تعملوه؟"



الأربعاء 20 أبريل 2016 08:04 م

قالت عائشة، نجلّة المهندس خيرت الشاطر نائب المرشد العام لجماعة الإخوان المسلمين، في تدوينة لها على حسابها الخاص على موقع التواصل الاجتماعي فيس بوك، تعليقا على هزلية المحكمة العسكرية التي جرت في قضية "خلية أبناء الشاطر" الملفقة، قالت : «النهاردة القاضي في المحكمة العسكرية يعرض الأحرار بتاعة قضية خلية أبناء الشاطر، وجايب شاشة ومجهزين القاعة علشان نشوف بقى الأحرار الخطيرة، نبص نلاقيها أغلبها عبارة عن صور لشباب قاعدين بياكلوا في مطعم، أو صور لأطفال في بحر ومصيف ويلاعبوا، أو حفلة خطوبة واحد وواحدة عمالين يتصوروا مع بعض المعازيم والحفلة».

وتضيف ابنة الشاطر «تقعد تبص على القاضي وعضو اليمين والشمال وهما قاعدين يقلبوا الصور ويبصوا باهتمام أوي، ومصدقين نفسهم ومش مكسوفين من محتوى الصور، والصور عمالة تتكرر نفسها ومش مكسوفين إن اللي عمالين يعيدوا يزدوا فيه، ويقولك تكررت الصورة نفسها».

وتتابع «كان نفسي أقوم أقولهم: "وذاات المسرحية الهزلية دي برضوا تكررت علينا ثلاث مرات، وبنشارك فيها مجبرين للمرة الثالثة بنفس فصولها الهابطة من أيام مبارك من غير أي تجديد حتى».

وتضيف «نفسى كنت أقوم أقوله: مش مكسوفين من اللي قاعدين تعملوه؟ مش كان أحسن للقوات المسلحة تروح تشوف حدود مصر ولاالجزر اللي عماله تتباع بدل ما هي قاعدة تتفرج على شوية صور؟!.. مش بدل ما خمس دبابات جايبين مخصص يأمنوا خيرت الشاطر وشوية شباب عزل، يروحوا يأمنوا مصر اللي عمالة تتباع وتتسرق وأنتم مشغولين أوي بقضية قايمة على شوية صور؟ طيب بلاش ؟؟ أو حتى يروحوا يأمنوا الشعب بدل ما أمناء الشرطة عمال يقتلوا فيهم».

واختتمت الشاطر تدوينتها بهاشتاغ «#المسرحية\_البايخة». والثاني «#القضاء\_العسكري \_ سينما\_محصلتش \_مستوي\_ثري \_ دي\_حتي».